

Innovasjon Norge Hordaland  
Pb. 448 Sentrum,  
0104 OSLODato: 13.03.2017  
Vår ref.: 2017/2627-1  
Saksbehandlar: tormons  
Dykkar ref.:

## **Handlingsprogram for næringsutvikling i Hordaland 2017 - Tildelingsbrev til Innovasjon Norge Hordaland Tildeling 2017 – kr. 23 560 000**

Fylkesutvalet vedtok Handlingsprogram for næringsutvikling i Hordaland for 2017 i møte 23. februar, sak 44/2017. Den totale økonomiske ramma i Handlingsprogrammet 2017 er kr 62 800 000. Fylkeskommunen overfører årleg eit beløp til Innovasjon Norge, som er øyremarka til bedriftsretta tiltak for å realisera måla og strategiane i Handlingsprogram for næringsutvikling i Hordaland for 2017. **Denne overføringa er i 2017 på kroner 23 560 000.** Målgruppa for midla er bedrifter og etablerarar i verkeområdet for distriktsretta investeringsstøtte. Dette gjeld kommunane Masfjorden, Fedje, Modalen, Vaksdal, Samnanger, Kvam, Voss, Granvin, Kvinnherad, Tysnes, Fitjar, Etne, Ulvik, Eidfjord, Ullensvang, Odda og Jondal.

Som grunnlag for årets tildelingsbrev, viser vi elles til oppdragsbrev frå Kommunal- og moderniseringsdepartementet (KMD) til Hordaland fylkeskommune for 2017 (vedlagt).

### **1. Overordna føringar**

Arbeidet som Innovasjon Norge Hordaland skal utføre er basert på dei oppdragsbrev som kjem frå eigarane; staten og fylkeskommunen. Frå Hordaland fylkeskommune sin del legg vi Regional næringsplan for Hordaland 2013-2017 og Handlingsprogram for næringsutvikling i Hordaland 2017 (HNH 2017) til grunn for alt arbeid som vert gjort med utviklingsmidla.

Statsbudsjettet for 2017, legg opp til endra målstruktur for dei regionale utviklingsmidlane samanlikna med tildegare år. Den nye målstrukturen tydeleggjer den geografiske målrettinga av budsjettmidlane– med eitt hovudmål for distriktpolitikk og eitt for regionalpolitikk. Dei nye måla legg vekt på økonomisk omstillingsevne, noko som medfører ei prioritering av bedrifts- og næringsretta tiltak.

Dette fører til ei endring; støtte til vekstentreprenørar kan no ikkje lenger tildelast i heile fylket, men kun innan verkeområdet for distriktsretta støtte.

### **2. Oversikt over tilsegn stilt til disposisjon for 2017**

I tillegg til dette tildelingsbrevet har Fylkesutvalet, slik som tidlegare år, vedteke ei tilleggsløyving til forsterka entreprenørskapssatsing i Hordaland på **kr 900.000,-**. Innovasjon Norge vil motta eit eige tilsagnsbrev for denne satsinga.

### 3. Mål for Innovasjon Norge Hordaland sin aktivitet

Ein av hovudstrategiane i næringsplanen er punkt 4.3 Meir entreprenørskap og innovasjon med følgjande innsatsområde: 1. Fleire gode grundere. 2. Fleire vekstkraftige verksemder. 3. Fleire innovative næringsmiljø. Dette er samanfallande med Innovasjon Norge sine egne mål.

### 4. Fylkeskommunen si vektlegging av måla

I Handlingsprogrammet for 2017 har fylkesutvalet vedtatt spesielle innsatsområder under strategien Meir entreprenørskap og innovasjon. Dei som er spesielt retta mot Innovasjon Norge Hordaland er:

#### Direkte støtte til bedrifter:

- Vekst i eksisterande bedrifter gjennom målretta bruk av tilskot og lån.
- Arbeide for å sikre kompetent og langsiktig kapital til nye idear og nye bedrifter slik at fleire kjem gjennom oppstartsfasen og over i ein vekstfase.
- Mobilisere til forskingsbasert innovasjon i bedriftene, mellom anna gjennom FoU-forum og ved bruk av verkemiddla kompetansemekling og dialogmøte (Mobiforsk).

### 5. Koordineringsbehov

Hordaland fylkeskommune er leiaren av den regionale partnarskapen for regional næringsutvikling, og ansvarleg for strategisk planlegging i fylket. Fylkeskommunen har det politiske ansvaret for heile breidda i det regionale samordnings- og utviklingsarbeidet, jamfør Regional næringsplan for Hordaland 2013-2017, samt det årlege handlingsprogrammet. Innovasjon Noreg Hordaland har som formål å fremje bedrifts- og samfunnsøkonomisk lønsam næringsutvikling, og utløyse ulike distrikt og regionar sine næringsmessige muligheiter gjennom å bidra til innovasjon, internasjonalisering og profilering basert på prioriteringar gjort i Regional næringsplan for Hordaland 2013-2017, samt det årlege handlingsprogrammet. For å sikre at Hordaland fylkeskommune er godt informert om utfordringane i fylket og i organisasjonen, skal det vere dialog mellom fylkeskommunen og Innovasjon Noreg Hordaland i forkant av eigarmøta i Innovasjon Norge. Det skal òg vere halvårlege statusmøter, der administrativ leiding frå fylkeskommunen møter direktør frå Innovasjon Noreg Hordaland. Begge partar deltek òg aktivt i regionale samarbeidsorgan, som til dømes Regionalt Næringsforum. Det er fylkeskommunen som er ansvarleg for å sikre at denne dialogen vert gjennomført.

### 6. Særlige regionale tilpassingar

#### Nettverk

Midla som fylkeskommunen løyver til Innovasjon Norge i kategorien 550.62, kan nyttast til ordninga bedriftsnettverk, inkludert fylkesoverskridande nettverk. Midla vil følgje dei same krava om tilhørigheit i distrikta som tidlegare.

#### Omstilling og nyskaping

I HNH 2017 har fylkeskommunen ei særskild satsing retta mot omstilling, spesielt knytt til effekten av nedgangen i petroleumssektoren. Ifølge KMD kan midla til omstilling nyttast i alle kommunar, og ikkje berre innanfor det distriktspolitiske området. Dette inneber at midla kan nyttast til konkrete omstillingsprosjekt for etablerte bedrifter (SMB-ar) innan petroleumssektoren i heile fylket. Vi legg, som tidlegare år, opp til eit nært samarbeid med Innovasjon Norge når det gjeld førebuing og gjennomføring av omstillingsprosjekt og program.

## Brukargruppe

Hordaland fylkeskommune ynskjer framleis eit spesielt fokus på kvinner, og at ein har eit mål om at 40 % av dei næringsretta verkemidla skal gå til kvinner. Jamfør mål og tiltak i strateginotat frå Innovasjon Norge Hordaland, «Auka kvinneandel i bruk av næringsretta verkemiddel», datert 16.10.2015.

Fylkeskommunen ynskjer at midla kan gå til å støtte utviklingsprosjekt for etablerarar i det distriktpolitiske området.

## 7. Krav til dokumentering av resultat og rapportering

Midlane frå Hordaland fylkeskommune til Innovasjon Noreg vert overført to gonger i året, første gong rett etter at tildelingsbrevet er sendt, samt 1. september. Midlane skal stå på ein eigen renteberande konto. Fylkeskommunen skal sende tildelingsbrev innan 15. mars, så snart rapport for forrige år er motteken. Midlane vert gitt til Innovasjon Noreg Hordaland som tilskot utan tilbakebetaling. Dette gjer det mogeleg for Innovasjon Noreg Hordaland å overføre rammer frå eitt år til eit anna for å kunne ta høgde for finansiering av større prosjekt. Tildeling som vert heil- eller delannullert vil på same måte kunne leggjast til ramma uavhengig av annulleringstidspunkt. Dersom føresetnadane for utbetaling ikkje er oppfylte, vil fylkeskommunen kunne krevje heile eller delar av tilskotet tilbakebetalt.

Det skal årleg rapporterast på bruken av tildelte midlar. Frist for rapportering frå fylkeskommunen til KMD, er sett til slutten av mars kvart år. Tilsvarande skal IN Hordaland rapportera bruken av verkemidlar til fylkeskommunen innan 15. februar kvart år. Dette kjem i tillegg til sentral rapportering mellom IN sentralt og KMD. Overføring av rammer mellom år, samt renter som vert lagt til ramma, skal presiserast i rapporteringa. Ein tek atterhald om eventuelle endringar i rapporteringsrutinane. I utgangspunktet kan Innovasjon Norge sitt eige resultatmålingssystem nyttast.

Med talmaterialet skal det følgja ein kort, verbal analyse knytt til dei ulike satsingsområda og den regionsvise fordelinga. Innovasjon Norge må elles vera førebudd på å framskaffe andre, økonomiske oversikter i samband med mogelege pålegg frå KMD, eller etter ønskje frå fylkesutval / fylkesting. Ein føreset at Innovasjon Norge rettar seg etter dei retningslinene som departementet har lagt fast i samband med mål- og resultatstyring i høve til midlane frå KMD (del av tildelingsbrevet frå KMD). Fylkeskommunen har til ei kvar tid høve til å kontrollere at vilkåra for tilskotet vert haldne. Innovasjon Norge pliktar derfor å gje dei opplysningane som fylkeskommunen ber om, og som er regulerte i avtalar og retningsliner. Etter Stortinget sitt løyvingreglement har Riksrevisjonen rett til å kontrollera at tilskotet vert nytta etter føresetnadane.

## 8. Kommunikasjon

Det er ynskjeleg at Innovasjon Norge Hordaland aktivt skal profilere fylkeskommunen i samband med forvaltning av overførte midlar. Innovasjon Norge har i brev til fylkeskommunen, datert 6.juni 2006, gitt innspel til strategi for profilering. Denne avtalen byggjer på desse prinsippa, og følgjande aktivitetar vil vere sentrale :

- Presisera samarbeidet med fylkeskommunen i presentasjonar
- Presentera samarbeidsforholdet muntlig i kundesamtaler
- Bruka fylkeskommunen sin logo når IN inviterer til møter/seminar der det vert brukt fylkeskommunale midlar
- Andre tiltak skal vurderast

Oppdraget og medfølgjande tildelingar føreset at partane følgjer intensjonane i avtalar og regelverk, og held god kontakt undervegs. Særleg er det viktig at fordeling av arbeidsoppgåver som gjensidig ligg tett opp mot kvarandre, vert klargjorde. Kontaktperson hjå oss er: Nærings sjef Mette Nora Sætre.

Vi ser fram til eit godt samarbeid, og ynskjer lukke til i det vidare arbeidet i 2017

Med helsing

Bård Sandal  
fylkesdirektør regional utvikling

Arthur K Arnesen  
konst. nærings sjef

*Brevet er godkjent elektronisk og har derfor inga underskrift.*

Kopi til:  
Nina Broch Mathisen  
Ole-Andreas Smette  
Kommunal- og moderniseringsdepartementet  
ØKONOMIAVDELINGA, her

Vedlegg  
1 Handlingsprogram for næringsutvikling i Hordaland 2017 – blir ettersendt  
2 Tilskotsbrev frå Kommunal- og moderniseringsdepartementet for 2017

Kopi til:  
Nina.Broch.Mathisen@innovasjon norge.no  
Ole.andreas.smette@innovasjon norge.no  
postmottak@kmd.dep.no  
postmottak.okonomiavdelinga@hfk.no

Vedlegg

- 1 Handlingsprogram for næringsutvikling i Hordaland 2017 -Tildelingsbrev til Innovasjon Noreg  
HordalandTildeling 2017 – kr. 23 560 000